

Rycond Santos Do Nascimento awor ta reacciona

Docente ta cuestiona con Rector di Universidad diripiente a cambia rekisitonan pa posicion cu el a solicita

ORANJESTAD (AAN): Tin un desaroyo andando na Universidad di Aruba relaciona cu posibel despido di un docente. E studiantenan no ta nada contento y nan a tene un protesta pasivo dialuna atardi.

Den entrevista cu e docente Rycond Santos Do Nascimento, ken ta docente di derecho constitucional na Universidad di Aruba, el a duna di conoce cu na December 2016 el a haya e titulo di Doctor. Despues el a wordo recomenda pa

e haya su promocion pa Hoofdmedewerker. Locual a pasa durante casi 2017 ta cu e rectorado di e universidad a tranca su bevordering y na dado momento el a solicita un posicion similar, a splica. Dia 24 di October 2017 ta-



bata tin un entrevista cune y dos siman despues di e sollicitatiegesprek rector a cambia a rekisitonan cu e exigencia di un SKO, cual ta un Senior Kwalificatie Onderwijs. Santos Do Nascimento a indica cu e problema di esaki ta cu ta un cualificacion cu na prome lugar universidad no ta duna e programa pa por haya e kwalificatie aki. Banda di esaki, no tin ningun hende na Universidad di Aruba, di awor ni den pasado, cu tabata tin e cualificacion aki.

Kiermen, e ta mas cu duidelijk cu rector a cambia e rekisitonan especificamente pa su caso, a bisa. Ademá di esey, den un

carta di 7 di November 2017 ta bisa cu e SKO a wordo exigí locual no tabata asina.

A base di esaki y otro asuntonan, Santos Do Nascimento a entrega un keho College van Curatoren cu no a haci nada cu su keho y e ora na Mei 2018, el a entrega un keho cerca Minister Lampe cu ta e ultimo responsabel pa locual ta ense-

ñanza na Aruba.

El a sigui bisa cu e base di e keho ey, Universidad di Aruba a impone diferente straf disciplinario contra su persona.

A entrega un bezwaarschrift contra e cartanan di College van Curatoren y e motibo pakico di su situacion ta pasobra el a haci uzo di su derecho pa pidi huez wak e caso. Segun e docente, e no sa precis kico ta e motivacion personal di esnan involucra y specialmente e rector. Pero e echo cu el a cambia e rekisitonan despues di e sollicitatiegesprek esey ta algo masha cuestionabel mes.